

Prof. dr. Alma Voljevica

Dr. sci med. Alma Voljevica, redovni profesor na Katedri za anatomiju čovjeka, rođena je 19.11.1970. godine u Sarajevu, gdje je završila osnovnu i srednju školu, te Medicinski fakultet. U junu 1997. godine izabrana je u zvanje asistenta na Katedri za anatomiju čovjeka Medicinskog fakulteta u Sarajevu, gdje i danas radi. Magistarski rad pod naslovom „Radiološko-anatomska prikaz Willisovog prstena kao valvularnog mehanizma cerebralne cirkulacije”, odbranila je 29. jula 2004. godine, i time stekla naučni stepen magistra medicinskih nauka. Doktorsku disertaciju pod naslovom „Mogućnosti preveniranja injekcionog pritiska u regionalnoj anesteziji kao mogućeg faktora nastanka nervnog oštećenja kod eksperimentalnih životinja” odbranila je 15.01.2010. godine i stekla naučno zvanje doktora medicinskih nauka.

U periodu od 1997. godine do 2024. godine u okviru stručnog usavršavanja učestvovala je na više studijskih putovanja i naučnih skupova u zemlji i inostranstvu. Učesnica je 4 domaća i međunarodna projekta, autor/koautor 5 knjiga, 38 naučnih i 2 stručna rada, i autor/koautor je preko 50 saopštenja na kongresima i stručnim/naučnim skupovima.

Recenzent je naučnih radova iz oblasti Anatomija čovjeka objavljenih u indeksiranim časopisima (Medicinski arhiv, Medical Journal, Current Medical Imaging Reviews, World Journal of Surgical Oncology, Acta Medica Academica).